

Il Cup svizzer per ina Lumneziana

Casualitads han menau Anja Furger tier l'equipa da dunnas dil CB Lucerna

HANS HUONDER/FMR

■ La sonda sera ha la squadra da dunnas dil Club da ballapei Lucerna gudignau il Cup svizzer encunter Turitg. Ina dallas giugaduras che sa festivar quei success cun Lucerna ei la Lumneziana Anja Furger. Dapi in onn e miez appartegn ella al cader dalla squadra dalla Svizra Centrala. «Ch'jeu sundel oz ell'emprema squadra da Lucerna sai jeu en sesez engraziar ad ina retscha da casualitads», di Anja Furger (26) ch'ei carschida si a Cumbel. Sco scolara dalla secunda superiura eis ella vegnida l'emprema ga en contact cul ballapei: «Jeu mavel bia a reiver e silsunter devan nus savens era ballapei. Jeu sundel lu vegnida fatga attenta sin Laax che haveva lu ina squadra da dunnas», seregorda la Lumneziana.

Da Laax a Lucerna

Bein spert ha sia via lu denton menau ella squadra da 2. ligia da Domat e lu – en connex cul studi a Berna – ella secund'equipa da Femina Kickers Worb. En quei club eis ella lu spert era s'avanzada a giugadura dalla ligia naziunala B: «Cun quella sundel jeu lu stada en in camp da trenament en Terchia. Leu havein nus saviu dar in giug amicabel encunter il CB Lucerna. Saviu dar hai jeu perquei che pliras giugaduras da noss'equipa eran malsaunas.» Ella ha mussau ina fetg buna prestaziun en quei giug ed ils responsabels da Lucerna ein vegni attents sin ella: «Cuort temps pli tard sundel jeu vegnida contactada e dumandada sch'jeu havessi interess da vegnir en in trenament d'emprova.» Igl ei lu buca restau tier quei trenament, igl unviern 2020 ha Anja Furger midau club. Dapi quest unviern dat ella regularmein ils giugs da campinadi cun Lucerna ella Woman's Super League, per part naven dall'entschatta: «Per mei eis ei gia stau in grond success da saver dar il campinadi dalla ligia naziunala B cun Worb. Da zagei aschia ch'jeu havess jeu mai uhgegiu da semiar.»

Il collectiv sco avantatg

La sonda sera ha la squadra da dunnas da Lucerna encorunau la stagiun passada. Las Turitgesas valevan en sesez sco favoritas. «Quella victoria ei secapescha ina gronda sorpresa. Turitg ha probabel sut-



Anja Furger en tenue blau dil CB Lucerna ha gudignau cun sia squadra il Cup svizzer da ballapei la sonda vargada. MAD

schazegiau nus. Nies trumf ei nossa preschientscha sco team, la dinamica che nus mussein el collectiv. Era sper la plazza da ballapei havein nus in fetg bien clima e quel seresplenda els giugs. Quella victoria el cup ei secapescha in siemi», constatescha Anja Furger che habitescha a Thalwil, mo che serenda a casa a Cumbel cu igl ei pusseivel. Naven digl atun studegia ella scienziass culturalas all'Universitad Lucerna ed ei aschidadir lu aunc pli datier da siu club. Parallelmein lavura ella en ina piazza parziala tiel Agid da muntogna svizzer ad Adliswil: «Senza luvrar e fadgiar mass ei buca. Sco giugadura da ballapei a Lucerna stoss jeu pagar nuot, mo ei mira era ora pauc la fin finala. Tier Worb ella ligia naziunala B pagavel jeu schizun aunc la contribuziun annuala ed ils camps da trenament. Cheu ei quei silmeins buca aschia.» Trenau vegn quater ga per jamna la sera e per las

giugaduras che san s'organisar era il mardis e la gievgia endamaun.

Aunc potenzial da migliur

«La differenza denter la ligia naziunala B e la Woman's Super League ei fetg gronda, surtut puncto tactica e spertadad. Ins ha pauc temps da controllar la balla e dar vinavon ella», di Anja Furger. Il cuntrari dallas pli biaras giugaduras ella pli aulta ligia svizra ha ella buca passau tuttas tortas dallas partiziun da junioras: «Quei sentel jeu magari schon, surtut tier la tactica.» Il grond avantatg dalla Lumneziana ei denton ch'ella ei fetg atletica e sperta. Quell'excellenta constellaziun fisica vegn dabien ad ella sco giugadura el miez ni davontier. «Tier mei dat ei segiramein aunc potenzial da migliur pertuocnt la pazienza. In da mes gronds avantatgs ei ch'jeu sundel fetg luca ed adina optimistica e fetschel a memez negin squetsch.»

■ BALLAPEI

Victoria pils juniors B encunter Amriswil

(fmr/hh) Ella runda dalla fin d'jamna passada dil campinadi da ballapei han ils juniors A1 dalla Surselva spiars lur giug ordeifer encunter Rorschach-Goldach. Il gol pils indigens cuort avon la fin ha sigilau la secunda terrada en seria pils Sursilvans. «En in giug fetg uliv, gie schizun cun schanzas levat pli claras per nus, havess negina squadra meritau la victoria. Tier nus ha la cleverness da recaltgar silmeins in punct munca quella ga», constatescha il trenader Livio Casutt.

Perencunter han ils juniors B festivaun in'ulteriura victoria. Quella ga ha la seleziun sursilvana gudignau ordeifer encunter Amriswil. Cun 16 puncts en nov giugs sesanflan ils Sursilvans che dattan la Juniors League B ussa sigl excellent tierz rang.

La secunda victoria han ils juniors D elita dalla Surselva contonschiu. Encunter Eschenbach-Wagen han els gudignau ordeifer cun 4:3. La victoria, respectivamein ils treis puncts, ei fetg impurtonta per restar ella categoria dall'elita.

Vaz-sut – Lusitanos de Samedan 8:2

1. Cuera 97 6/18; 2. Vaduz 6/15; 3. Vaz-sut 6/12; 4. Valposchiavo 6/10; 5. Triesen 7/9; 6. Surselva 7/9; 7. Tavau 6/7; 8. Lusitanos de Samedan 6/3; 9. Balzers 6/0.

Juniors C1, gruppa 1

Surselva a – Surselva b 1:0
Tusaun-Cazas – Grabs4:4
Mels – Walenstadt 0:2
Sargans – Linth 04 4:1

1. Sargans 6/15; 2. Domat 6/13; 3. Walenstadt 6/13; 4. Surselva a 7/11; 5. Grabs 6/8; 6. Surselva b 7/7; 7. Mels 6/6; 8. Tusaun-Cazas 6/4; 9. Linth 04 6/3.

Juniors C2, gruppa 1

Surselva – Tavau 3:1
Domat – Vaz-sut 14:3
Schlarigna – Panaduz 16:0
Tavau – Orion Cuera 3:0

1. Lai Valbella 6/12; 2. Tavau 7/12; 3. Orion Cuera 7/12; 4. Domat 7/12; 5. Schlarigna 5/6; 6. Surselva 6/6; 7. Vaz-sut 6/6; 8. Panaduz 6/0. Cuera 97 ha retratg l'equipa.

Juniors D elita, gruppa 1

Rapperswil-Jona – Toggenburg 1:2
Eschenbach-Wagen – Surselva 3:4
Valposchiavo – Domat 2:0
Glarnerland – Glaruna 2:2

Resultats e tabellas

Juniors A1, gruppa 1

Bischofszell – Rotmonten-Winkeln 1:0
Diepoldsau-Schmitter – Domat 5:3
Rorschach-Goldach – Surselva 1:0

1. Rotmonten-Winkeln 7/12; 2. Diepoldsau-Schmitter 7/12; 3. Bischofszell 7/11; 4. Domat 6/10; 5. Rorschach-Goldach 6/10; 6. Appenzell 6/10; 7. Surselva 7/8; 8. Herisau 6/7; 9. Bogn Raggaz 6/7; 10. Ruggell 6/4.

Juniors League B

Gossau – Tobel-Affeltrangen 5:0
Cuera 97 – Romanshorn 4:2
Rheintal – Brühl 2:3
Uzwil-Henua – Rorschach-Goldach 0:6
Amriswil – Surselva 0:1

1. Gossau 9/27; 2. Cuera 97 9/18; 3. Surselva 9/16; 4. Rheintal 9/15; 5. Tobel-Affeltrangen 9/14; 6. Amriswil 9/13; 7. Uzwil-Henua 9/11; 8. Teufen 8/9; 9. Rorschach-Goldach 9/9; 10. Brühl 9/7; 11. Romanshorn 9/6; 12. Winkeln-Rotmonten 8/3.

Juniors B2, gruppa 1

Triesen – Surselva f. 3:0
Cuera 97 – Valposchiavo 6:1
Lusitanos de Samedan – Tavau 1:4

1. Cuera 97 6/18; 2. Rapperswil-Jona 6/15; 3. Glaruna 7/13; 4. Glarnerland 7/10; 5. Toggenburg 6/9; 6. Surselva 6/6; 7. Valposchiavo 6/6; 8. Eschenbach-Wagen 6/3; 9. Domat 6/3.

Juniors D1, gruppa 1

Mels – Landquart 3:4
Schlarigna – Tusaun-Cazas 3:2
Panaduz – Glarnerland 13:1
Domat – Surselva 2:1

1. Cuera 97 6/18; 2. Panaduz 6/13; 3. Schlarigna 4/10; 4. Mels 6/9; 5. Tusaun-Cazas 6/9; 6. Landquart 7/9; 7. Domat 5/3; 8. Surselva 6/3; 9. Glarnerland 6/3.

Juniors D2, gruppa 2

Panaduz – Val Tamina 2:3
Balzers – Vaz-sut 4:10
Sargans – Surselva c 2:1

1. Val Tamina 6/13; 2. Vaz-sut 6/12; 3. Sargans 6/11; 4. Panaduz 7/10; 5. Cuera 97 7/9; 6. Surselva c 6/3; 7. Balzers 6/3; 8. Surselva d 6/0. Ruggell ha retratg l'equipa.

Tierz «Bike Day» ei staus in success

In di cun activitads e purschida pils ciclists a Glion

■ (cdm/fmr/hh) Surselva Turissem ei cuntents cul tierz «Bike Day» da sonda passada a Glion. Ensemen cun plirs partenaris dalla regiun ha l'organisaziun turistica procurau quei arranschament.

«Il di ei staus cumpleinamein ell'enzena dallas pusseivladads da bike e malgrad l'aura variabla ha el carmalau numerus ciclists», scriva Surselva Turissem en ina comunicaziun als mieds da massa. Per tut quellas e quels che han pudiu lavar baul ha il di entschiet gia allas 06.00 cul viadi cul Sunrise Shuttle a Breil. Igl emprem uradi dil di ha buca frenau ils participonts ch'ei serendi silla descensiu da Burleun a Tavanasa ed anovas a Glion. Tut en tut ei vegniu purschiu diesch viadis cun shuttle en loghens da partenza el contuorn da Glion. Ils urezis ed uradis suenter miezdi han buca priu il plascher dils bikers.

Plaid e cussegl

Il program d'avon miezdi han las partitipontas ed ils participonts saviu nezegiar per lur preparativas per la nova stagiun da bike. En gruppas a quater persunas han els saviu separitar a differents trenaments da tecnica. «Quella purschida ei vegnida

nezegiada stediamein», constatescha Surselva Turissem. Persunas dil fatg ein stadas a disposiziun per plaid e cussegl. In tschuppel affons han nezegiau la caschun da separitar ad in program da tecnica special per els. La savida recaltgada avon

miezdi ha allura saviu vegnir exercitada sin quater turas el contuorn da Glion.

Resistents encunter plievra

In punct culminont dil «Bike Day» ei mintgamai il «Kids Race» organisaus da

Cadventure. En quel han ils affons la caschun da semesiar.

Ella categoria 2 ein il prenci e la principessa dalla Surselva vegni erui. En quella concurrenza muossan ils pigns surtut lur savida tecnica sin bike. La sonda suenter-

miezdi han els denton era mussau cun resistents ch'els ein encunter l'aura. Il di da velo ei vegnius cumpletaus cun biars tips da fatschentas da sport dalla regiun durront igl entir di, seigi pertuocnt bikes ni vestgadira.



Ils pli pigns festiveschan lur success.



Gnanc plievra e buglia freinan in cyclist passiuunau.

FOTOS MAD